

Radyo an Norvys

(<http://www.dasunys.net/podcast.htm>)

Titel: Nowodhow an seythur (12/12/07)

Auctour: Matthew Clarke

Dydh: 12 Kevardhu 2007

Pesyans: 00:04:03

Kevarwoedhyas Konsel Kernow, David Whalley, re gynigas bos senedh Kernow anwoheladow.

Ev a ammytas hemma orth keskusulyans Konvenshon Korf-lagha Kernow.

An nowodhow ma a dheu wosa bos res dhe Gernow an golow glas rag unn konsel yn le a seyth.

Moy yw es hevlyna, mes nyns o marthus moy.

Hwath y fydh Kernow gans toll bras y'n bojet.

Res vydh dhe'n konsel selwel pymp milvil peuns dhiworth gonisyow.

Yma Syllan ow kul towlenn may hallo an ynysow dos ha bos moy glas.

An dowlenn a syns ynni tybyansow rag gul tredan gans nerth an mor, gwyns ha dor.

Keffrys ha henna, konsel an ynysow a garsa gweles drehevyansow na skoell re a doemmdre.

Yma kowethas jynn-nija Skybus ow kul kevrennow nowydh ynter Kernow, Kembra ha Breten Vyghan.

Y fydh nijennow kyns pell dhiworth Tewynn Bleustri dhe Gardydh ha Sen Briek.

Rygb i lemmyn...

Fit bras Lannstefan erbyn Northampton veu lettyes an bennseythun yw passyes awos an awel mar hager.

Yth esa park gwari gordhowrhes dhe Bons Polson.

Assaya a wrons gwari arta po mis Hwevrer po Meurth.

Yth esa tommals a assayansow dhe Rysrudh hag i ow kwari erbyn Stourbridge y'n Piwas EDF.

An Rudhyon a waynyas peswar-poynt-ha-tri-ugens dhe seyth,

Ha'n Vorladron a gemmeras an poyntys wosa vyajya dhe Loundres rag fit erbyn Kembroyon Loundres.

Jimmy Moore a dhifresyas aga gwayn gans takkel orth an diwettha pols.

An Gernowyon a dheuth tre gans skor ugens dhe seytek.

An diwettha boelletyn nowodhow an seythun yw kyns Nadelik.

<A Sybwydhenn>

Ottomma Bardh Meur Kernow Vanessa Beeman gans messaj arbennik rag a'n seson sans ma...

<Vanessa1>

Ha hi a garsa leverel dhyn hy bodh rag dew-vil-ha-seyth...

<Vanessa2>

Dehweles a wrav y'n vlydhen nowydh gans kedhlow pella a Gernow.

Ytho y karsen vy leverel dhywgh Nadelik lowen ha blydhen nowydh da.

Kres re'gas bo.